



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### **Nucleus Coppensteinus Conceptuum Prædicabilium In Dominicas Festaque omnia per Annum**

**Coppenstein, Johann Andreas**

**Mogvntiæ, 1624**

Dominica III. Adventus. Miserunt Iudæi ab Ierosolymis Sacerdotes &  
Leuitas ad Ioannem. Ioan. I.

[urn:nbn:de:hbz:466:1-51556](https://nbn-resolving.org/urn:nbn:de:hbz:466:1-51556)

cerent. Ergo & tu de absentibus non, nisi bona. 3. Sic. Pl. 10. Detrahentem secreta proximo suo, hunc persequer. 4. Exo. 2. Aegypti plaga erant ranæ; quæ in cæno latent, silent. que diu, noctu coaxant. Similes detractores cœnosi.

4. Affiliat.

IV. Laudat captum Dominus, quia fidus in aduersis cultor amicitia. 1. Sint alij hirundinei amici, & ad hyemem fugitini, tantumque æstiuui, & ollares. 2. Secus Apostoli, Matth. 26. *Qui mecum permansistis, in tribulatione*, ait Dominus. Et hi tamen sui dein dissimiles, omnes relicto eo fugerunt.

5. Constante

V. Laudat eum à Constantia in Dei cultu, minime arundinea. 1. Vt verum de ipso, Ierem. 1. *Ego dedi te hodie in columnam ferream*. Vera quippe virtus etiam plusquàm chalybea est. 2. Virtutis emblemata fax est inuersa & ardens; hocque maiorem & flammam, & lucem eiciens: cū ista epigrapha: *Vires inclinata refumo*. Fax talis Ioannes in vinculis. Ioan. 5. *Erat lucerna ardens, & lucens*. Vt, quo clausa arctius, eo effulgeret latius. 3. Quid? Virane arundinea est, à quarto ætatis anno, annis xxv. sic vixisse; sic pro mundo penituisse? sic verbo & factò docuisse Regem, milites, ciues, phariseos? &c. 4. Arundo improborū est symbolum, 1. quia inconstans, 2. quia in viginosis nata ac cœnosis, 3. quia foris polita, recta; at enee dullata. Non talis Ioannes.

6. Modestū habitu.

VI. Laudat à non mollibus vestimentis. 1. Quia

*Non est conueniens luctibus ille color*. Ouid. Quo arguit Fastū. 2. Vestem Adē dedit Deus ad necessitatem verecundia, non ad luxum. Mnymosynō est peccati, & innocentia perditæ. 3. Demensis, qui suspendio addictus, in aurea furca & veste, se cuperet suspendi: Dementiores fastuosi luxu. Eccles. 11. *In vestitu ne gloriaris vngquam, nec in die honoris tui extollaris*. 4. Stul-

tum est, domum iam ruituram inaurare. Et tu victum & caducum corpus sic vesties? 5. Esth. 14. *Tu scis Domine, quia abominer signum superbiae, & glorie meae, quod est super caput meum in diebus ostentationis meae; & detester illum, quasi pannum menstruatæ*. Et nos gloriabimur luxu vellium, unde confundi oportet. 7. Scilicet; laudem sibi quærunt malefici ex cauterio, vel stigmatate suo.

#### PERORATIO.

Constabit recapitulatione dictorum protreptica siue hortatoria: demum per Apostrophen ad Christum precatoriam, vt tribuat ad talia gratiam; excurret ad DIXI.

#### DOMINICA III. ADVENTVS.

*Miserunt Iudæi ab Ierosolymis Sacerdotes & Leuitas ad Ioannem. Ioan. I.*

1. Reg. 16. Reprobo iam Saule, prædestinatoq; Dauide, Samuelem, vngendo Dauidi, mittit Deus in Bethlehem. Propheta putans & statura maiorem fore destinatum, vertitur diuinitus ad Dauidem, pastorem postfœrantium. Sic hic. Extincto regno, nouum missurus Regem Deus; ab æterno destinatum Synagogæ misit. Quæ putans ortu & vitam mirum Baptistam Regem fore; hic autē eos à se ad Christum vertit, magistrum paruulorum.

Nosex istis

- I. De interrogatione: Tu, quis es?
- II. De legatorum, & legationum ignorantia affectata.
- III. De ignorantia Magistratus noxia Reipubl. ac de vitijs mundi.
- IV. De voce clamantis.
- V. De modestia Baptista.
- VI. De cultu solitudinis, & carnis mortificatione.

PARS

## PARS I.

De interrogatione: Tu, quis es?

Cognitio  
sua est1. necessa-  
ria.

2. Utilis.

3. Saluta-  
ris.4. Peruetus  
disciplina.

5. Turcica.

6. Christia-  
na.

7. Omnia.

8. Prima  
sopientia.9. Sciatur  
aut perca-  
tur.10. Repro-  
bis aufery-  
tur.

I. S. Imonides Philosophus rogati Pau-  
sania, Regi Spartatarum, ut sibi  
memorable dogma traderet; aiebat;  
Hominem te esse memento. Tanti cognoscere  
seipsum ducebat. 2. Huius ob utilita-  
tem Philippus rex Macedo sic indies  
mane primo submoneri se à puero ius-  
sit: Mortalis es, Rex. 3. Eliphaz Thema-  
nites remedium efficacissimum in qui-  
rens contra peccatum, ait Iob. 5. Visitans  
speciem tuam, non peccabis. 4. Idem antiphar-  
macum Delphicum, Nosce te ipsum, Chi-  
lon primus edidit. Vnde

Nosce te, Chilon Spartanus quemque in-  
bebat.

5. Turcica. 5. Toriaci (Turcarum religiosi) spe-  
cula per plateas circumgerunt; obuijs  
intuenda præbent: ut sui recordentur  
viva specie fragili. 6. Bernardi vox est:  
Præstat scire te ipsum, quam sit neglecto, si-  
derum cursus, vim herbarum, & omnium ca-  
lestium & terrenorum naturas tenueris. 7.  
Clem. Alex. and. l. 1. Pedagog. Cognitionem  
sui omnium scientiarum magistram  
appellauit. Recte. Quia scientiarum di-  
gnitas petitur ab obiecto: at homo est o-  
mnium dignissimus. 8. Monstrum Sphyn-  
gem sic prisca finxerunt, ceu canit Au-  
sonius:

Volucris, est pennis, pedibus fera, fronte  
puella.

Hoc explicat Alciatus Emblemate 187.  
sic:

Prima est prudentis laurea: nosse virum.

9. Idem suavitatis spongia, Cant. 1. Si signo-  
ras te, pulcherrima inter mulieres; egredere, &  
abi, q. d. Quanto gratiosior; tanto sis hu-  
milior, te noscendo. Vel: Et si Pandora  
fores; te autem nescires; ab eas volo.

10. Inter alia, quæ minatur Isai. 3. Deus  
se Ierosolymitanis ablaturum, etiam

specula numerat, id est, cognitionem sui:  
Ut sic in barathrum peccatorum ruant.  
11. Econtra, inter Tabernaculi ornamē-  
ta erant & specula. Exod. 7. quibus sacrifi-  
cabatur, ut sese intuentes nosset se ipsos.  
12. Ipsa æterna sapientia se speculo con-  
fert. Candor est lucis æterna, & speculum sine uina.  
macula Dei Maiestatis. Ut scias veram sa-  
pientiam esse: Nosse te ipsum. Ergo ex te  
quare: Tu quis es?

11. Datur  
electis.

12. Est di-

## PARS II.

De legationis ignorantia affectata.

I. Legationi huic nulla similis vn-  
quam. 1. Quia legati erant Sa-  
cerdotes, omni iudæa venerabiles. 2.  
Vrbis ex qua, Ierosolyma, iudæa caput,  
sedes Pontificum, Regum, Templi, Sa-  
crificiorum. 3. Legantes erant iudæi,  
gens electi; id est, ex qua Messias expe-  
ctabatur. 4. Causa; Messias: & quia de-  
fecerat sceptrum de Iuda, Gen. 49. & heb-  
domada Danielis completæ erant. Dan.  
9. ac prophetiæ.

II. Cur autem crederent Ioannem  
Messiam, erat: quia natiuitas eius mi-  
ra, ut ex effectis; & patre in loquelâ resti-  
tuto. 2. Nominis nouitas & fama: quis  
putas puer iste erit? 3. Vitæ ratio noua à  
quinto ætatis anno, Luc. 1. ut esset Mat-  
th. 11. neque manducans neque bibens; 4.  
Eius baptizandi ratio, nulli ante Prophe-  
tarum usurpata: promissa tamen, Ezech.  
36. Effundam super vos aquam mundam, &  
mundabimini ab omnibus inquinamentis ve-  
stris.

Cur ad  
Ioannem.

III. Cur vere Christum non crede-  
rent Messiam, erat. 1. quia eum Ga-  
lilæum & Nazarenum putabant. Vn-  
de Nathanael Ioan. 1. A Nazareth aliquid  
boni esse potest? Et iudæi, Ioan. 7. Scrutare  
Scripturas, & vide, quia à Galilæa propheta  
non surgit. 2. Ab omnibus indoctus,  
mechanicus, ac vilis habebatur. Matth.

Cur non  
ad Chri-  
stum?

C 13. Non-

13. Nonne hic est fabri filius? 3. Christi agendi ratio similis erat cæterorum, nulliusque adhuc nominis, nec miraculis insignis. 4. Eius ortus putabatur cæterorum similis. Quantum mundus iudicij suis fallitur?

*Error ignorantium quantum.*

IV. Ostupor! 1. Messie nomen fore Ioannes, quis legit? Isaias 7. ait: *Nomen eius Emanuel.* 2. Vbi de matre, fore vetulam? *Isa. 7. legitur: Ecce Virgo concipiet, & pariet.* 3. Vbi legitur, Ierosolymis nasciturum? *Michas 5. ait. Et tu Bethlehem non es minima in principibus Iuda.* 4. Vbi, quod è sacerdotali stemmate nasciturus? *Ex Iuda, dicitur Genes. 49.* 5. Ioannes nulla: Christus multa editurus est miracula. *Isa. 35. Aperientur oculi cæcorum. Magnus ergo stupor eorū, & error.*

### P A R S III.

*De ignorantia Magistratus noxia Reipub. ac de vitijis Mundi.*

*Magistratus si sciit.*

*ut beato præsit.*

*Qua plaga non maior soporis est.*

I. **H**incliquet, quam periculosa, & noxia sit ignorantia sedentium ad clauum Reipublicæ. Impia suadere vulgo nituntur, Ioannem esse Messiam: pia dissuadere, Christum non esse. 1. Quin igitur agite, Sap. 6. *Diligite lumen sapientiæ omnes, qui præstis populis.* 2. Ideo Plato libro Reipubl. *Tum fore beatus Respubl. si, qui regerent, philosopharentur.* 2. Nam imperiti nocent. *Psal. 81. Nescierunt, neq. intellexerunt in tenebris ambulant. Mouebuntur omnia fundamenta terra.* 4. Diogenes Cynicus, teste Laertio, æger inuisus, ab amico rogat sepeliri pronus, miranti cur non, vt omnes, supinus? ait. *Noui ab indoctis Athenæ gubernabuntur, & ima summis vertentur: tunc resupinabor.* 5. Dominus puniturus denunciat, *Isa. 29. Quoniam miscuit vobis Dominus spiritum soporis, claudet oculos vestros: Prophetas, Principes vestros, qui visiones vident, operiet.*

Quo quid calamitosus? 6. Aegypti plagarum vna fuit, caligo: Ignorantia præsidum est grauior, quippe qua nec seipfos, nec alios, nec aliud agnoscunt. Ex hac quærent hi, *Tu quis es?*

II. Sic hodie cæci omnes quærimus potius; quam, *Quis sum ego?* Epidauri in aliorum natus sumus: in nostris vitiis talpæ. 1. Nimirum, Qui habet domum optime sitam, & comparatam, raro exiit: nam domi habet, quæ recreent. Qui vero casam fordidam, & c. isforum compita petit per aliena vagus. Ita virtutis inops alios scrutatur; velletque similes sui. 2. *Plut. ait, esse lamias domi cæcas, exeuntes vero oculos resumere.* Fabula hæc: at doctrina ista: Quosdam in noscendis se, cæcutire: in rimandis aliis lynceos esse.

*Critici aliorum!*

III. Mundus titulos potius; quam merita spectat. *Tu quis es?* 1. Sciuit, ac metuit id Moyses. *Exod. 3. Si dixerint: quod est nomen eius quod dicam ei?* Nempe nominum, quam virtutum studiosioreserant. 2. Optimates Saulis viso Dauidis facinore, quærent 1. *Reg. 12. De qua stirpe est hic adolescens?* Nouerant; sed per hoc gloriam facti obscurare inuidi studebant. 3. *Lyra notat, Iosepho ad clauum è carcere prouecto, indignatos Aegypti proceres parere noluisse; quod nouum & obscurum putarent.* At viso patre, esse eum ex Patriarchis ac principibus Chanaan, submisisse se Ita hodie Iudæi; Quærent, *Quis es, sic natus, educatus, doctus, mirandus, animosus, &c. similem quæ vidit ætas, aut terra?* 4. Diogenes interrogatus; *quæ beluarum crudelissima? ait Adulator, & Detractor.* Ioannem adultores prius inuadunt. *Messias es? Dein Detractores: Quid ergo baptizatus; si tu non es Christus, neque Elias, neque Propheta? Nouus, en, Daniel in lacu leonum, Dan. 14.*

*Mundi facinus, & omnia nata, lium.*

5. Mem-

5. Mendax munde, Affingis ei opinionem Messiae; & rem dare nequis: nisi prius alteri eam eripias. Sic Samson, *Iud. 14.* Sociis XXX. vestes promissit: at non habens, tot occidit Philistaeos: & horum vestes dedit O edipis.

IV. At pugebat Pharisaeos, 1. Christum à plebe praeferrere Ioanni. 2. Messiam tam vilem videri, ipsorumque dignitati imparem. 3. Vulgus mobile ipsum inter vtrumque non satis discernere.

Dæmon quoque tentabat spiritalem virum, opinione clarum, occasione ambitionis. Sic Adam. *Eritis sicut Dij. Genes. 3.* At obscurum tentat in materia impatientia. Ut Saulum, corpore dotibusque maximum, dignum imperio, Regem factum, filij Beliali carpunt dicentes: Num saluare nos poterit iste? 1. Regum 10. Sic expectantes Christum, & expetentes cum Isai 1. Mitte Agnum Domine Dominatorem terræ. Et Psal. 143. Domine, inclina celos, & descende. Iam praesentem despicunt missum, et si capite cunctis altiozem. Quippe caput Ecclesiae Christus. 1. Cor. 11. Caput autem Christi Deus.

## PARS IV.

De voce clamantis.

I. **E**go vox clamantis in deserto, q. d. Ortum, parentes, patriam, pueritiã, vitam, doctrinam, mores meos nostis, nostis venturum Eliam, ex 1. Reg. 17. 18. 19. & Messiam Deuter. 18. ante finem mundi; at alius praeter hos promissus est; Isai. 40. Vox clamantis in deserto, parate viam Domini. Is sum: & sum Psalm. 28. Vox clamantis super aquas multas, Vox in virtute & magnificentia percellens milites, Herodé &c. Vox preparantis ceruus: peccatores ad poenitentiam; Et reuelabit condensa Filij arcana digito indice, Ecce: Ioan. 1.

1. Ego vox. Huc Philosophi: An non vox est signum conceptus? Et Dei Patris conceptus est Verbum; Ioannes autem vox est: Ergo Ioannes est diuini conceptus interpres: id est: Verbi, sicut in principio apud Deum. Ioan. 1.

2. Miranda vox! Si illa Petri: Marc. 6. 2. *Sonora* Tues Christus Filij Dei viui: fuit oraculum; *semper.* defecit tamen rauca negando: Non noui hominem. Vox Ioannis numquam irraucuit; quin & post fata superstes vixit: Marc. 6. *Quem ego decollauit Ioannem, ipse surrexit à mortuis: & virtutes eduntur in eo.* Non is erat, de quibus Isai. quinquagesimo sexto. *Canes muti non valentes latrare: Vel spe lucelli, vel faubris, honoris, vel specie boni. Væ! Semaer is Vox erat: in deserto: Mat. 3. Facite fructus poenitentiae: Ad Iordané: Ego debeo baptizari à te. Incarcere: Non licet tibi habere uxorem fratris tui. Ad Messiae dignitatem oblatam: Non sum ego Christus. Ioan. 1. 3. Vere Can. 7. Collum tuum sicut turris eburnea semper vocem sonat: caput; Inuicem Christum corpori Ecclesiae iungit docens: *ubique.* Ecce hic est Christus agnus. Turris est, Idem quia haeretici eum erant impetaturi: Eburnea; ab robore inuicta, & elegantia praestans. 4. Tria deesse querebatur Oseas 4. *Non est veritas; non est misericordia; non est scientia Dei. Eadem docet Vox hæc: Veritatem Ioan. 1. Confessus est, & non negauit; quia non sum ego Christus; Cognitionem Dei: Ecce Agnus: Et Medius vestrum stetit, quem vos nescitis. Misericordiam; dolens animarum perditionem, erat predicans poenitentiam.**

II. Et hæc dicens clamabat. Luc. 8. Fuit *Est clamans* ergo Ioannis & Christi vox vna. Quia *consona* idem vtraque docuit, & intendit, & vita *Christi.* exhibuit. 1. Querit S. Cyrillus: cur Moyse dixerit Deus, instituturus LXX. successores? *Auferam de spiritu tuo, & tradam illis. Num. 11. Respondet: Idem illos,*

C 2 quod

Vltius oc-  
cultum  
Pharisaeo-  
rum.Tentandi  
praxis.Ioannes est  
Vox Ver-  
bi.

quod ipse prolocuturos. Fuge ergo spiricus singulares, quos non nouit Ecclesia. 2. Ezech. 1. Leo, Vitulus, Aquila, homo, rota, omnia eodem spiritu mouebantur: Quocumque ibat spiritus, illuc & rota pariter eleuabantur sequentes eum. &c. Sic in Ecclesia, feroces leones, & fortes milites, tardi boues, ciues, coloni; subtiles aquilæ doctores affabilesque homines: & rotæ diuersæ uoluntatum, morum. &c. vno spiritu temperantur. 3. Huc hortatur Paulus, Philip. 2. Si qua societas spiritus, si qua viscera miserationis; implete gaudium meum, ut idem sapiatis, eandem fidem habentes, unanimes idipsum sapientes.

Est clamās  
in publico.

III. Ego vox. q. d. Quid agitis? Men Regem designatis? Vocatis ad delicias, palatia famulitia, curas mundi, purpuram? &c. Non his inueuit: sed eremo, radicibus, pelli camelinæ, Ioui frigidus, feris, cautibus. Vox sum, & clamantis, idque in deserto. 1. Ergo uerus prædicator explet hoc iussum: Isa. 40. Super montem excelsum ascende tu, qui euangelizas: & exalta in fortitudine uocem tuam, qui euangelizas Ierusalem.

Est casti-  
gans, non  
blandiens.

Quam ampla est cathedra & prouincia prædicatoria desertum? Fuge clancularios, angulares euangelizantes. Ama publicos; quorum ubique & doctrina una clamat, castigat: non pompose perorat, aut blanditur. 1. Instar Isocratis: cui idcirco post mortem tale positum monumentum est: teste F. Paulo in Hebr. libro 1. c. 3. Syren arietem infidens, cum lyra in manu. Sugillabatur uox bona eloquentiæ; sed emascula, inutilis; & blanditiis homines in bruta mutans, ac in fyrtes trahens, quasi pellaci cantu syrenum. 2. Talis & Demosthenes notatus est ab Diogene Cynico, ad cauponam eum inuitante, at excusantem se: cui ait: Dominus tuus caupo-

nam quotidie inuit; & tu recusas? Intelligebat populum Atheniensem, cuius auribus seruus erat blandiloquus. Aelianus 1. 9. c. 19. Vox is erat: at non clamabat.

IV. Ergo pœnitentiæ prædicator.

1. Isaie 38. Quasi tuba exalta uocem tuam; aduersus arma mundi, carnis, dæmonum. 2. Sic Apostoli fecere; ut Act. 2. ebrii crederentur. Et in omnem terram exiuit sonus eorum. 3. Sic Christus; Mar. 2. Cum audissent sui, exierunt tenere eum, dicebant enim; quoniam in furorem versus est. Sic acres in uitia; habentur fatui, palpones efferantur. 4. Angelo agente in Sinai cum Moysè, & fulminante cœlo, populus clamat. Exod. 20. Loquere tu nobis Moyses, non loquatur nobis Dominus, ne forte moriamur. Ita hodie zelosi ægre audiuntur. Prædictum 2. Tim. 4. Erit tempus, cum sanam doctrinam non sustinebunt, sed ad sua desideria coaceruabunt sibi magistros prurientes auribus, & à ueritate quidem auditum auertentes ad fabulas autem cōuertetur. O Insensati!

Est imitā-  
da prædi-  
catori.

Est ægre  
audiatur.

#### P A R S V.

De modestia Baptistæ.

I. Ioannes Christum extulit, se humiliavit, respondens negando, & oblatum tenuit honorem. 1. Quod nec Adam intellexit, cupiens esse sicut Dij.

Amanis  
uirtutis,  
fugitans  
honoris est.

2. Nec philosophi, quantum uis uirtutem profiterentur, auram tamen popularem sectati, maiores cæteris haberi amarunt, & quasi diuini. Teste Augustino. 2. Hinc Honorem ut Virginem pinxere, ad cuius pedes iacent uirtutes captiuae, ut feruæ. Nimirum uirtutem quidem dilexerunt: at honoris amore. Non sic Ioannes, Angelorum socius ait S. Augustin. tuba cœli, signifer Christi, Iudeorum flagellum, parentum gaudium, stirpis decus, mundi speculum, mortis telum, uitæ ianua, amicus sponsi. Et ut Andreas

Iero-

Ierosolymitanus ait, *paronymus sponsi, legis silentium, interpret gratia, oraculorum finis, virginitatis autor.* Et, vt Petrus Chrysol. ait, *Schola virtutis, Magister vita, hominum Phoenix, &c.* licet tantus esset; setamen humiliavit. *Et si Malac. 3. etiam Angelus diceretur.*

*Exempla modestia.*

II. 1. Sic Ioseph docuit fratres, *Gen. 46.* quomodo Pharaoni responderent, altos silendo titulos ac stemma, gesta que: sed *Pastores ouium sumus.* 2. Sic Iacob ad Esau. *Gen. 33.* *Præcedat Dominus meus ante seruum suum: & ego subsequar.*

3. Sic Angelus *Apocal. 19.* volenti Ioan- ni genibus eius aduolui, ait: *Vide, ne feceris: conseruus tuus sum.* Erubescere superbe, & vilis puluis. 4. Petrus lapsus ad genua eius Cornelio, ait. *Act. 10.* *Surge: & ego ipse homo sum.*

5. Paulus & Barnabas à Lystrensis diuinis honoribus affiendi, aiunt. *Act. 4.* *Viri, quid hæc facitis? Et nos mortales sumus similes vobis homines.* 6. Miror elatos: vt Dauid tumentes fluctus. *Psal. 91.* *Mirabiles elationes maris!* Cum scilicet natura grauis aqua ascenderet: at terra, homo grauior ascendit leui ventulo gloriæ afflatus. 7. Saul à Samuele vocatus ad regnum, ait. *1. Reg. 9.* *Nunquid filius Iemini ego sum: de minimis tribu Israel: & cognatio mea nouissima? &c.* Meruit humilitas hæc exaltari à Deo.

*Ambitio dolet Ecclesia.*

III. Rebecca vterum ferens indoluit ex collisione infantum, vter exiret prior. *Gen. 25.* Ingemiscit Ecclesia ex ambitione filiorum: Et prior sæpe exit in lucem hanc Esau indignus. 2. Vere Ecclesia. *10.* *Est malum, quod vidi sub sole: Vidi seruos in equis; & Principes ambulantes super terram quasi seruos.* Peccatores namque citius à mundo euehuntur. 3. Aegyptij, teste *Pierio in hierogl. pag. 208.* Humilitatem pingebant, genibus nixam: manibus in cælum extentis; quod inde omnia speret: oculis cælo fixis; quod ibi omnia quærat.

omnia speret: oculis cælo fixis; quod ibi omnia quærat.

## PARS VI.

*De cultu solitudinis, & carnis mortificatione.*

I. **V**ox in deserto. En Eliam in deserto Carmeli. *3. Regum 17. 18. 2.* En Ducem eorum, qui Hebr. 11. errant in solitudinibus, in montibus, & speluncis, & cauernis terra. *3.* En qualis *1. Timot. 2.* describitur. *Nemo militans Deo, implicat se negotiis secularibus.* 4. En summi Sacerdotis filium Ioannem, qui relicto Anna, Caypha, Herode. &c. integrum se ab eorum seruat impietate contagiosa: solusque agit. Et *1. Petr. 3.* *Quis est, qui vobis noceat: si boni emulatores fueritis? At, ais, quos imiter, non habeo solitarios. Et tu, et si non esset, qui faceret bonum, usque ad vnum. Psal. 52.* statue tamen cum Ioanne, *Psal. 70.* *Introibo in potentias Domini, id est, Angelorum choros, Domine, memorabor iustitie tue solius.*

*Solitudo est 1. Sanctorum.*

*Securorū.*

*Socia Angelorum.*

II. En carnis dormitorem, purum, peccata peccabilem, angelum! & tu fomitem peccandi adiuicis fomiti peccati, delicias, ac voluptates? &c.

*Mortificanda caro.*

*Subtrahere ligna foco, si vis extinguere flammam.*

1. S. Bernardus tria persecutionum genera, Antichristum præcessura, refert; *si prodromus.* Tyrannos, Hæreticos, Voluptates. Et has pessimum esse ait, maximeque ab Ecclesia sic deplorari. *Isa. 38.* *Ecce in pace, id est, voluptate, amaritudo mea amarissima.* Nam, vt bene Chrysostomus. *Tormenta, Martyres, blandimenta vero faciunt Epicureos.* Cui malo occurritur in deserto. 2. Pudeat nos, videre natum nobilem, in vtero sanctificatum, sic se macerasse; & nihilominus prædicasse: neque id tamen per auxilium imitari peccatores.

C 3 3. Dica-

Deus ad-  
iurat.

3. Dicamus, & audeamus cum Hebraeis, Num. 2. sicut fecit in mari rubro, sic faciet in torrentibus Arnon, vbi latrunculi eis insidiabantur. Pugnarunt cum iis, iterque ceptum persecuti sunt victores. Sicut potuit cum Deo Ioannes, sic poterimus & nos.

Aut ea ca-  
rendū est  
gloria.

4. Aut si qui tenelli detrectent; vt Duces ante praelium, Deut. 30. proclamabant, sic & nos. 1. Quis est homo, qui adificauit domum nouam, & non dedicauit eam? Reuertatur, ne forte moriatur in bello, & alius dedicet eam. 2. Quis est homo, qui plantauit vineam, & necdum fecit esse communem, de qua vesci liceat omnibus? Reuertatur. &c. 3. Quis est homo, qui despondit uxorem & nondum accepit eam? Reuertatur. &c. 4. Quis est homo formidolosus? Reuertatur &c. En vt ad bella, sic & ad poenitentiam ineptos, 1. superbos, 2. auaros, 3. voluptuarios, 4. Acediosos.

#### PERORATIO.

Quid? Impendite vitam ei, qui dedit corpus. Atteri vultis potius febris, quam poenitentia? Arcam noluit in templo Dagon commorari Deus 1. Regum 5. Nec pium virum in mundo vano, sed Osee 2. Ducam eum in solitudinem, & loquar ad cor eius. Et sic, facta recapitulatione, perora: simul ora Vocem clamantis, vt pro nobis clamet ad Deum deprecatrix.

#### DOMINICA IV. AD- VENTVS.

Anno quinto decimo Imperij Tiberij  
Caesaris. Luc. 3.

Visit Numer. 10. Dominus tubas fieri duas argenteas, quarum vnā ad epulum, ad praelium alterā populus inuitaretur. In Euangelio item duae sunt: Christus, ad praelium: nūm venit non pacem mittere, sed gladium Matth. 10. Et Ioannes ad

beatitudinis epulum inuitat. Huius sacri hic clangor auditus est.

#### De quo

- I. Quod predicanda poenitentia.
- II. De regnorum diuisione.
- III. De Mundi inconstantia.
- IV. Quod diuisio regni est argumentum ex-cidij.
- V. De Ioannis solitudine.
- VI. De eius ad mundanos egressu.
- VII. De voce eius ad viam parandam Domini.

#### PARS I.

Predicanda poenitentia est.

I. Deus mittens Ezechielem, vt praed- Poenitentia  
predican-  
da est.  
caret; ostendit ei manum cum li- 1. S. Script.  
exemplo.  
bro, Ezech. 2. intus forisque per scripto- 2. Maiorū.  
lamenti, minis, poenis, Hic est S. Scri- 3. Angelorum.  
ptura, istorum plena; quae populo praedi-  
cet Concionator: in primis poeniten-  
tiam. 2. Praedictum est Psalm. 125. Euntes 2. Maiorū.  
ibant, & flebant, mittentes semina sua poeni-  
tentiae. vbi Hieronymus. Ille doctor Ecce-  
lasticus est, qui lachrymas, non risum mouet.  
Et idem ad Nepotianum: Docente te in Ec-  
clesia non clamor populi, sed gemitus susciten-  
tur. Lachryma auditorum laudes tuae sint.  
3. Apoc. 15. Angeli septem niueis, & lineis 3. Angelorum.  
induti, auroque cincti aureas phialas, ira  
Dei plenastenebant, quas in terram ef-  
funderent: Tales praedicatores iaciant  
Sacrae Scripturae minas ac poenas in au-  
ditores: at in aurea charitate. Sic Rupertus, Beda, Haymo.

Figuris liquet idem. 1. Exod. 10. Mare  
aeneum in bobus innitebatur: Sic do- 4. Figura-  
rum.  
ctores in Ecclesia gerant omnem molem  
amarae increpationis, proponendo mi-  
nas, poenas, &c. Non alligabis os boui trituranti. 1. Cor. 9. id est, ait Greg. l. 2. de cur. pa-  
stor. cap. 3. praedicatorem talia filere non  
facies.

2. Sic